



Gou siengj danggya gaenq haujlai nanz lo, ngoenzneix daxmeh bae ranzdaiq, de heuh gou ciuqgoq ndei song dahnuengx, daengz banngaiz yaek cawj byaekngaiz hawj dahnuengx gwn. Gou naemj: Daxmeh baeznaengz cawj ngaiz gig yungzheih, gienh saeh neix mbouj nanz ndaej gou.

Yaek daengz banngaiz, gou couh bae ndaw suen mbaet byaek, angq dwk ma daengz ranz cingq siengj cawj byaek seiz, cij siengj daengz gou

Danggya Mbouj Yungzheih

当家不容易

武宣县桐岭镇新龙小学五(4)班 韦莹

mbouj rox cawj byaek. Hoeng, gou cien gvaq gyaeqgaeq, gou couh daj ndaw binghsiengh dawz ok haj aen gyaq, sien swiq rek seuq, caiq hai feiz, yienzhaueh raix youz roengz rek bae, gou dawz baenz aen baenz aen gyaq dwk roengz rek bae. Aenvih feiz haenq lai, fan mbouj ndaej gib, cien remj lo. Gou yawj gij gyaq deng gou cien remj haenx, gamjdaengz gig hojsik. Gou cijndaej bae sanghden cawx geij bau byaekcaqcaiq ma guh byaek gwn lo!

Song dahnuengx gou, boux he cib bi, doeg sam nienzgaep, boux he sam bi buenq, doeg youwzyenz, song dahnuengx neix gig cabheiq, gyaez

bae ranzdajcaemx nyamraemx. Gou cawx byaekcaqcaiq ma daengz ranz, mbouj raen gyoengqde youq ndaw ding yawj densi, gou couh byaij haeuj ranzdajcaemx bae, ngamq yaek haeujbae, couh deng gyoengqde au raemx faet gou, gou daengx ndang cungj dumz liux lo. Song boux de buh hix dumz liux lo. Gou couh naeuz gyoengqde geij coenz, rag dahnuengx iq bae vuenh buhvaq, vuenh ndei buhvaq le couh heuh gyoengqde gwn ngaiz, dahnuengx hung gwn imq le couh bae yawj densi lo, dahnuengx iq caengz gwn imq, de cij goq loengh gyaq civanzgi de, mbouj gwn ngaiz. Gou cijndeij yaeuh de gwn imq bae.

Banringz gyoengqde lij yaek ninzringz, gou youh yaeuh dahnuengx iq ninz, hoeng, de baenz lawz hix mbouj ninz, youq gwnz congz diuq bae diuq dauq, youh hemq youh ciengq, aencong z deng de diuq ndaej yaek loemq bae, diuq baeg le couh ing henz cong z, yaep he couh ninzndaek lo.

Ngoenzneix cawj gwn, ciuqgoq dahnuengx caen sinhoj ha, gou naemj: Daxmeh bingzseiz ciuqgoq dou geij beixnuengx caen mbouj yungzheih ha! Gaenlaeng gou itdingh dingq daxmeh gangj, mbouj hawj daxmeh yousim, sinhoj, aenvih gou rox le danggya mbouj yungzheih.

(指导老师 覃瑜)

Ranzmbanj gou youq aen cin iq seiqhenz cungj dwg bya he. Gizhaenx seiggeiq lumj fukveh nei, cij aeu miz vunz daeuj gizneix youz, cungj haenh de gyaau, caemhcaiq mbouj siengj dauqma dem!

Ndaw cin cij miz geij bak boux vunz, hoeng ciuqyiengh nauhyied raixcaix, aenvih ndaw cin cungqyang miz aen mboqbyaleix he.

Raemx mboqbyaleix sawdikdik, seizseiz cungj yawjraen byaleix youq ndaw raemx guhangq. Ceiq mizyinx haenx dwg, gyoengqvunz gaenq caeuq byaleix baenz baengzyoux ndei lo. Daihgya ndaej itmienh swiq byaek itmienh yawj byaleix yat hwnj yat roengz, gyoengq byaleix ciengz yat haeuj ndaw swxbyaek bae, caeg geij mbaw byaek le caiq youz bae; lwngyez ceiq

Gingj Iq Ranzmbanj

家乡小景

gyaez caeuq byaleix guhcaemz, cijaeu miz seizgan, gyoengqde couh daiq di mbawbyaek he, vut roengz raemx bae, gyoengq bya couh sikhaek youz gvaqdaeu; lij miz mbangj lwngyez diuq roengz raemx bae, caeuq byaleix hag youzraemx ne! Saedcaih dwg cijaeu iet fwngz couh ndaej deb byaek he, hoeng yawjraen byaleix baenzneix dwggvaez, byawz youh siengj bae gwn de ne?

Hen z mboqbyaleix miz geij go faexraeu. Seizcin, mbawraeu youq ndaw rumzcin cifengfeng did ok nyod daeuj, oiqtet, heuwtwt; seizhah, mbawfaex heuyauyau haenx youq ndaw

rumz bifangfang, fat ok gij sing yiengjsasa, lumj cingq danz diuz go daswyenz nei; seizcou, rumz liengzsangj ci nding mbawraeu lo, mbawraeu nding lumj feiz, nding lumj daengloengz, nding lumj mbawgeiz guekcoj raeuz; seizdoeng, baenz caengz baenz caengz siethau at dwk nyefaex vangoz lo, mbawfaex mbinyagyag loeng roengzdaeu, loeng daengz gwnz dieg dangguh fandenz, bang goraue dohgvaq seizdoeng. Aenmboq yienghneix ingj dwk gofaex yienghneix, caen dwg: "Vunz youq ndaw cin byaij, lumj byaij ndaw veh youz."

(seiq nienzgaep Cangh Sunyauz)



Daxboh "Mbouj Unqswnh"

“不温柔”的爸爸

Dingqny i sing yaekseiz hai dou, gou sikhaek ndoj haeuj raeb dou bae, caj daxboh haeuj ranz. Yaepyet, aenndang youh sang youh hung gou gig sug haenx okyienh lo. Gou sikhaek hwnjbae got dawz aenhoz daxboh, aenndang lumj diuzgaeu nei heux dwk daxboh, angqcoux daxboh okcai dauqma. Byawz rox, daxboh cix naeuz: "Vaiq roengzdaeu, boux lwgsai he baenzlawz baenzneix nem vunz, lumj lwgmbwk nei." Gij yiedcingz gou sikhaek mbouj miz lo.

"Daeglwg geij ngoenz mbouj raen mwngz lo, baenzneix siengj mwngz, mwngz couh mbouj ndaej doiq de unqswnh di ha?" Daxmeh yawj mbouj roengzbae lo, vih gou gangjavah. Daxboh mbouj eiqseiq naeuz: "Dwg mbouj dwg ha, lwg gvai? Cungj ienq daxboh, daiq mbouj rox gangjriu lo, hw hw hw..." Daxboh lumj boux lwngyez guh saeh loek nei, menhmenh byaij daengz baihnaj gou, gungj ndang roengzdaeu doiq gou naeuz: "Daeuj ba, daxboh caeuq mwngz guh gij laex raennaj bouxsai!" Gangj dwk, de iet song gen daeuj coux gou. Gou got dawz daxboh, daxboh gingqyienz got dawz gou baenqcieng!

(ngeih nienzgaep Cangh Cujcunz)

Gou Mbouj Nyienh Dang Daih'it

我不愿当第一

Youq ndaw ban, gou dwg hagseng ndei caezgya goengnyinh haenx, gaujsi daengx ban daih'it, gak goh cingz-cik maenhndei, yawj daeuj couhdwg "bouxyoza". Dang daih'it yienznaeuz gig miznaj, hoeng mbouj itdingh dwg gienh saeh ndei ndeu.

Couh beijgangj gou aeu ndaej daih'it mingz, cingqsoq dwg sai le haujlai haujlai yietnaih seizgan cij vuenh ndaej daeuj ha. Gou ciengzseiz yungh geij diemj cung daeuj guh daezsuyoz, daeuj yawj saw, daeuj sij faenzcieng, vanzlij lienh cih vehveh, yienznaeuz yawj daeuj

yienghyienh cungj baenz, hoeng gou dauq noix le haujlai seizgan guhcaemz. Mwh it, ngeih nienzgaep, gou ndangcangq, maij doengh, moix ngoenz roengzdangz le, couh caeuq doengzdoi h bae guhcaemz. Seizneix, gou cij rox gaem hwnj cek saw ndeu, caembyambyam dwk daj roengzdangz yawj daengz hwnjdangz. Caemhcaiq, gou saetbae ndangdaj maenhcangq lo.

Mbouj rox seiz lawz, gou deng daenj hwnj aenmauh daih'it mingz. Aen mauh neix mbouj cwxcaih geijlai, de hawj vunz sim mbouj onj, hawj vunz naengh ninz mbouj baenz. Caeuq daih-



ngeih, daihsam doxbeij, daih'it dwg "gaiqdieg bouxbing itdingh ceng'aeu haenx". Daenj hwnj aen mauh neix le, couh ciengzseiz deng vunz ngeixlwnh.

Danghnaeuz caiq hawj gou miz gihvei dauqbae, gou cingznyienh dang boux hagseng ndangcangq bingzciengz ndeu, cingzcik mbouj ndei hix mbouj yaez, cij dwg laeq lwngyez ndaej swyouz ndeu.

(Cuih Hoyauz sij Ouh Caijfangh hoiz)